

К ОПУБЛИКОВАНИЮ

КОМИ РЕСПУБЛИКАСА ЮРАЛЫСЬЛӨН ИНДӨД

Коми Республикаса эвакуационнӧй комиссия йылысь

«Войтырӧс дорйӧм йылысь» Федеральнӧй оланпас, «Олысьясӧс, материалнӧй да культурнӧй озырлунъяс безопаснӧй районъясӧ эвакуируйтан пӧрадок йылысь» Россия Федерацияса Веськӧдлан котырлӧн 2004 во лӧддза-номъя тӧлысь 22 лунся 303 №-а, «Россия Федерацияын войтырӧс дорйӧм йылысь положение вынсьӧдӧм йылысь» Россия Федерацияса Веськӧдлан котырлӧн 2007 во вӧльгым тӧлысь 26 лунся 804 №-а шӧмъяс серти Коми Республика мутасын эвакуационнӧй мероприятияс планируйтӧм, на кезлӧ дасьтысьӧмсӧ да найӧс нуӧдӧмсӧ котыртӧм могысь шуа:

1. Лӧсьӧдны Коми Республикаса эвакуационнӧй комиссия да вынсьӧдны сэтчӧ пырысьясӧс 1 №-а содтӧд серти.

2. Вынсьӧдны Коми Республикаса эвакуационнӧй комиссия йылысь положение 2 №-а содтӧд серти.

3. Вӧзйыны Россия Федерацияса войтырӧс доръян, неминуचाысь видзан да ускӧттӧ бӧрын артмӧм лоӧмторъяс бырӧдан министерстволӧн Коми Республикаын медшӧр веськӧдланінлы методическӧя веськӧдлыны Коми Республикаса эвакуационнӧй комиссиялӧн уджӧн.

4. Тайӧ Индӧдыс вынсялӧ 2023 вося ӧшым тӧлысь 15 лунсянь.

Коми Республикаса Юралысь

В. Уйба

Сыктывкар

2023 вося ӧшым тӧлысь 4 лун

130 №

ВЫНСЬӦДӦМА
Коми Республикаса Юралысьлӧн
2023 во ӧшым тӧлысь 4 лунся 130 №-а Индӧдӧн
(1 №-а содтӧд)

Коми Республикаса эвакуационнӧй комиссияӧ
ПЫРЫСЬЯС

Бурцев А.А. - Коми Республикаса войтырӧс доръян да неминуचाысь видзан комитетӧн веськӧдлысь (комиссияӧн веськӧдлысь)

Веськӧдлан группа

Корольков С.М. - Коми Республикаса войтырӧс доръян да неминуचाысь видзан комитетӧн веськӧдлысьӧс вежысь (комиссияӧн веськӧдлысьӧс вежысь, группаӧн юрнуӧдысь)

Бадер В.В. - Коми Республикаса войтырӧс доръян да неминуचाысь видзан комитетын терроризмысь ӧлӧдан да эвакуационнӧй мероприятияс нуӧдан юкӧнса начальник (комиссияӧн веськӧдлысьӧс вежысь)

Зленко А.В. - Коми Республикаса войтырӧс доръян да неминуचाысь видзан комитетын терроризмысь ӧлӧдан да эвакуационнӧй мероприятияс нуӧдан юкӧнса медыджыд специалист-эксперт (комиссияса секретар)

Юӧртӧм да связь котыртан, военнӧй веськӧдлан органъяскӧд
ӧтувъя удж нуӧдан юалӧмъяс серти группа

Барышев Е.И. - веськӧдланінса начальникӧс вежысь – Россия Федерацияса войтырӧс доръян, неминуचाысь видзан да неминуча бӧрын колясьяс бырӧдан министерстволӧн Коми Республикаын медшӧр веськӧдланінлӧн войтырӧс доръян да олысьясӧс видзан веськӧдланінын инженерно-техническӧй мероприятияс, радиационнӧя, химическӧя, биологическӧя, медицина боксянь видзан да йӧзлысь олӧмсӧ медводз могмӧдан юкӧнса начальник (группаӧн юрнуӧдысь) (сёрнитчӧмӧн)

Белых О.В. - Коми Республикаса цифра отсӧгӧн сӧвмӧдан, йитӧд да юӧр сетан министрӧс вежысь

Бобарыкин А.С. - Коми Республикаса Юралысьлөн
Администрацияын Войтырӧс дорьян да
неминучаысь видзан, удж видзан секторӧн
заведуйтысь

Горбатый А.А. - Коми Республикаса военной комиссарӧс вежысь
(сёрнитчӧмӧн)

Тарасов О.А. - Коми Республикаса Юралысьлөн
Мобилизационной веськӧдланінса начальникӧс
вежысь

Самарин Е.Н. - «Пӧжарысь видзчысян службаӧн да гражданаӧс
видзӧмӧн веськӧдланін» Коми Республикаса канму
казённӧй учреждениеын коммуникация да связь
юалӧмьяс серти начальникӧс вежысь (сёрнитчӧмӧн)

Эвакуационной мероприятияессӧ транспортӧн, медицинскӧя, инженернӧя,
сёян-юанӧн, сьӧмӧн могмӧдӧмсӧ котыртан, материальной да культурнӧй
озырлуньяс эвакуируйтан юалӧмьяс серти группа

Котов В.В. - Коми Республикаса экономика сӧвмӧдан,
промышленность да транспорт министрӧс вежысь
(группаӧн юрнуӧдысь)

Баранов К.М. - Коми Республикаса культура да архив удж
министрӧс медводдза вежысь

Марунич Т.В. - Коми Республикаса йӧзлысь дзоньвидзалун видзан
министрӧс вежысь

Петухов В.В. - Коми Республикаса сьӧм овмӧс министрӧс вежысь

Пихней А.А. - Коми Республикаса стрӧитчан, оланін да
коммунальной овмӧс министрӧс вежысь

Усова Н.А. - Коми Республикаса видз-му овмӧс да
потребительскӧй рынок министрӧс медводдза
вежысь

Уджавны вермытӧм да производствоын уджавтӧм олысьясӧс
эвакуируйтӧмсӧ котыртан юалӧмьяс серти группа

Пасечник А.Б. - Коми Республикаса велӧдан да наука министрӧс
вежысь (группаӧн юрнуӧдысь)

Коротин В.В. - Коми Республикаса удж, уджӧн могмӧдан да
социальной дорьян министрӧс вежысь

Эвакуация нуӧдігӧн ӧтйӧза пӧрадок, материальной да культурной
озырлуньяс видзӧмсӧ, туй вывтӧ ветлӧм ладмӧдӧмсӧ котыртан
юалӧмьяс серти группа

- Перловас А.Л. - Коми Республикаын пытшкӧс делӧяс
министерстволӧн ӧтйӧза пӧрадок видзӧм серти
полицияса начальникӧс вежысь (группаӧн
юрнуӧдысь) (сӧрнитчӧмӧн)
- Артемьев А.А. - Россия Федерацияса национальной гвардия
войскаслӧн федеральной службалӧн Коми
Республикаын веськӧдланінлӧн штабса
начальникӧс вежысь (сӧрнитчӧмӧн)

Пасйӧд: Коми Республикаса эвакуационной комиссияӧ пырысьяслы
колӧ ас кадӧ юӧртны Комиссияӧн веськӧдлысьлы Комиссияса секретар
пыр уджалан (служитан) места, уджалан (служитан) места серти чин ним,
уджвывса, мобильной, гортса телефон номерьяс, олан места серти инпас
вежӧм йылысь.

ВЫНСЬӨДӨМА
Коми Республикаса Юралысьлөн
2023 во öшым тöлысь 4 лунся 130 №-а Индöдөн
(2 №-а содтöд)

Коми Республикаса эвакуационнöй комиссия йылысь
ПОЛОЖЕНИЕ

1. Коми Республикаса эвакуационнöй комиссиясö (водзö – Комиссия) котыртöны сы могысь, медым могмöдны Коми Республикаса олöмö пöртысь власьт органъяслысь Коми Республика мутасын олысьясöс, материальнöй да культурнöй озырлунъяссö öпаснöйöн лоны вермана зонаясысь безопаснöй районъясö эвакуируйтöм планируйтöмсö, сы кезлö дасьтысьöмсö да сійöс нуöдöмсö котыртöм серти öтувъя уджсö.

Комиссия пырö Коми Республикаса Юралысьлөн веськöдлöм улö.

2. Комиссия аслас уджын подуласьö Россия Федерацияса Оланподув, федеральнöй оланпасьяс да Россия Федерацияса мукöд нормативнöй инöда акт, Коми Республикаса Оланподув, Коми Республикаса оланпасьяс да Коми Республикаса мукöд нормативнöй инöда акт да тайö Положение вылö.

3. Комиссия збыльмöдö ассьыс уджсö Коми Республикаса олöмö пöртысь власьт органъяскöд, Россия Федерацияса федеральнöй олöмö пöртысь власьт органъяслөн мутас органъяскöд, Коми Республикаын меставывса асвеськöдлан органъяскöд, Россия Федерацияса мукöд субъектлөн эвакуационнöй комиссияяскöд, организацияяскöд, кодьяс могмöдöны олысьясöс, материальнöй да культурнöй озырлунъяссö безопаснöй районъясö эвакуируйтöмсö, военнöй веськöдлан органъяскöд öтув уджалöмөн.

4. Комиссиялөн шöр могьяс:

1) планируйтны Коми Республикаын олысьясöс, материальнöй да культурнöй озырлунъяс эвакуируйтöмсö;

2) видзöдны Коми Республикаса олöмö пöртысь власьт органъясын да Коми Республикаын муниципальнöй юкөнъясын эвакуируйтöмсö планируйтöм бöрся;

3) котыртны Коми Республикаын эвакуируйтöм кезлö дасьтысьöмсö да сійöс нуöдöмсö да видзöдны та бöрся.

5. Комиссия аслас компетенцияын вермö:

1) корны да босьтны урчитöм пöрадокын Коми Республикаса олöмö пöртысь власьт органъяслысь, Россия Федерацияса федеральнöй олöмö пöртысь власьт органъяслөн мутас органъяслысь, Коми Республикаын меставывса асвеськöдлан органъяслысь, организацияяслысь аслас уджлы колана материалъяс да юöр;

2) корны да кывзыны аслас заседаниеяс вылын Коми Республикаса олöмö пöртысь власьт органъясöс, Россия Федерацияса федеральнöй олöмö пöртысь власьт органъяслөн мутас органъясöс, Коми Республикаын

меставывса асвеськӧдлан органъясӧс, организациясӧс петкӧдлысьясӧс аслас компетенцияын юалӧмъяс серти;

3) аслас уджын участвуйтӧм могысь корны Коми Республикаса олӧмӧ пӧртысь власьт органъясӧс, Россия Федерацияса федеральнӧй олӧмӧ пӧртысь власьт мутас органъясӧс, Коми Республикаын меставывса асвеськӧдлан органъясӧс, организациясӧс петкӧдлысьясӧс;

4) ӧтув уджавны да сетны методическӧй отсӧг Коми Республикаын меставывса асвеськӧдлан органъясӧн котыртӧм эвакуационнӧй да эвакуация примитан комиссияяслы;

5) котыртны учёнӧйяс, Коми Республикаса олӧмӧ пӧртысь власьт органъясысь, мукӧд канму органысь специалистъяс да колана организациясӧс петкӧдлысьяс лыдысь сӧвещательнӧй, экспертнӧй, консультативнӧй, коллегиальнӧй да мукӧд уджалан орган Комиссиялӧн уджалан нырвизьяс серти, индыны тайӧ органъяслысь уджмогъяссӧ да уджалан пӧрадоксӧ;

6) урчитан пӧрадокын сетны Коми Республикаса Юралысьлы, Коми Республикаса Воськӧдлан котырлы Комиссиялӧн компетенцияӧ пырысь юалӧмъяс серти вӧзйӧмъяс.

6. Комиссияӧ пырысьяссӧ вынсьӧдӧ Коми Республикаса Юралысь.

Комиссияӧ пырысьяс лыдӧ пыртӧны Коми Республикаса олӧмӧ пӧртысь власьт органъясса, Россия Федерацияса федеральнӧй олӧмӧ пӧртысь власьт органъяслӧн мутас органъясса (сёрнитчӧмӧн), организациясса (сёрнитчӧмӧн) юрнуӧдысь уджалысьяс да специалистъяс лыдысь йӧзӧс, кодъяс могмӧдӧны эвакуационнӧй мероприятияс нуӧдӧмсӧ.

Комиссия уджӧн юрнуӧдӧ Комиссияӧн веськӧдлысь, а сэк, кор сійӧ абу, сылӧн тшӧктӧм серти – Комиссияӧн веськӧдлысьӧс вежысь.

7. Комиссия збыльмӧдӧ ассьыс уджсӧ во кезлӧ уджалан план серти, кутшӧмӧс вынсьӧдӧ Комиссияӧн веськӧдлысь.

Комиссиялӧн шӧр уджаланногӧн лоӧны заседаниеяс, кутшӧмъясӧс нуӧдӧны очнӧя либӧ заочнӧя гӧлӧсуйтӧмӧн.

Комиссиялысь локтан заседаниеяссӧ нуӧдӧны сылӧн уджалан план серти. Комиссияӧн веськӧдлысьлӧн помшуӧм серти оперативнӧй юалӧмъяс решитӧм могысь чукӧртӧны Комиссиялысь водзвыв урчиттӧм заседание.

8. Комиссиялӧн заседаниеыс лыддысьсӧ тыр вынаӧн сэк, кор сэнӧ эмӧсь сэтчӧ пырысьяс лыдысь джынсьыс унджыкыс.

Комиссияӧ пырысьяс участвуйтӧны сылӧн заседаниеясын найӧс вежны позянлунтӧг. Сэк, кор Комиссиялӧн заседание вылын Комиссияӧ пырысьыс абу, сійӧ Комиссиялысь заседаниесӧ нуӧдан кадпасӧдз кык уджалан лунысь оз сёрджык вермӧ гижӧмӧн сетны видлалан юалӧмъяс серти ассьыс видзӧдлассӧ.

Комиссиялысь помшуӧмъяссӧ примитӧны Комиссияӧ пырысьяслӧн унджык гӧлӧсӧн, кодъяс эмӧсь заседание вылын, восьсӧн гӧлӧсуйтӧмӧн. Сэк, кор гӧлӧс лыдыс ӧтмында, вынаӧн лоӧ Комиссияӧн веськӧдлысьлӧн гӧлӧсыс, а сэк, кор сійӧ абу – Комиссиялӧн заседание вылын

веськӧдлысьӧс вежысьлӧн.

9. Комиссиялӧн заседание, кутшӧмӧс нуӧдӧны заочнӧя гӧлӧсуйтӧмӧн, лыддысьӧ нуӧдӧмаӧн сӧк, кор Комиссияӧ пырысьяс лыдысь джынсьыс эз этшаджыкыс сетісны урчитӧм кадколастӧ Комиссияӧ видлалӧм вылӧ пыртӧм юалӧмъяс серти гижӧм помшуймъяс.

Комиссиялысь помшуймъяссӧ примитӧны сэтчӧ пырысьяслӧн унджык гӧлӧсӧн, кодъяс урчитӧм кадколастӧ сетісны Комиссияӧ видлалӧм вылӧ пыртӧм юалӧмъяс серти гижӧм помшуймъяссӧ. Сӧк, кор гӧлӧс лыдыс ӧтмында, вына гӧлӧс инӧдыс лоӧ Комиссияӧн веськӧдлысьлӧн.

Комиссиялысь помшуйм примитан кадпасӧн лыддысьӧ Комиссияӧн видлалӧм вылӧ пыртӧм юалӧмъяс серти гижӧм помшуймъяс сетан кадколаст помасян кадпас.

10. Комиссиялӧн помшуймъясыс оформитсьӧны сӧрнигижӧдъясӧн да кырымавсьӧны Комиссияӧн веськӧдлысьӧн либӧ сійӧс вежысьӧн, коді юрнуӧдӧ заседание вылын, а сӧк, кор колӧ – Коми Республикаса Юралысьлӧн, Коми Республикаса Веськӧдлан котырлӧн инӧда акт балаясӧн.

Комиссиялӧн помшуймъясыс, кутшӧмъясӧс примитӧны сылӧн компетенция серти, лоӧны быть коланаӧн Коми Республикаса олӧмӧ пӧртысь власьт органъяслы, Коми Республикаын меставывса асвеськӧдлан органъяслы, организацияслы, кодъясӧс колӧ эвакуируйтны да (либӧ) кодъяс могмӧдӧны Коми Республика мутасын сійӧс нуӧдӧмсӧ.

11. Эвакуация нуӧдӧм, безопаснӧй районъяс дасьтӧм вылӧ веськӧдӧм оперативнӧй помшуймъяс примитӧм могысь Комиссияӧн веськӧдлысь вермӧ лӧдзны Комиссиялӧн компетенцияын юалӧмъяс серти тшӧктӧмъяс.

Комиссияӧн веськӧдлысьлӧн тшӧктӧмъясыс лоӧны быть коланаӧн Коми Республикаса олӧмӧ пӧртысь власьт органъяслы, Коми Республикаын меставывса асвеськӧдлан органъяслы, организацияслы, кодъясӧс колӧ эвакуируйтны да (либӧ) кодъяс могмӧдӧны Коми Республика мутасын сійӧс нуӧдӧмсӧ.

12. Комиссиялысь заседаниеяс чукӧртан пӧрадоксӧ, сы лыдын Комиссиялӧн заседаниеяс кежлӧ материалъяс дасьтан да ыстан пӧрадоксӧ да кадколастъяссӧ, Комиссиялысь помшуймъяс оформитан да ыстан пӧрадоксӧ да кадколастъяссӧ, а сідзжӧ Комиссиялысь делопроизводство нуӧдан пӧрадоксӧ да Комиссиялӧн удж серти мукӧд юалӧмсӧ, кутшӧмъясӧс абу ладмӧда тайӧ Положениеӧн, урчитӧны Комиссиялӧн уджаланартӧн (пӧрадокӧн), кутшӧмӧс вынсьӧдӧ Комиссияӧн веськӧдлысь.

13. Комиссиялысь уджсӧ котыртӧ да техническӧя могмӧдӧ Коми Республикаса войтырӧс дорьян да неминуचाысь видзан комитет.